


traži...

NASLOVNICA | NOVOSTI | EKONOMIJA | SPORT | SCENA | LIFESTYLE | TEHNOLOGIJA | AUTOMOBILI | ZANIMLJIVOSTI | IMPRESSUM

Učlani se on-line u
NVO Croatia Libertas

Utorak, 29. Srpanj 2014
 11:45:50



JOOBLE-BA

zanimanje:

Ijetni
 grad:

Grad ili država

Traži!

Posao




ANKETA

Podržavate li mirno **RAZDRUŽIVANJE BIH** na tri neovisne republike?

- Da, podržavam
- Ne podržavam
- Ne znam

Pošalji Rezultati

Find us on Facebook



258 people like Croportal.ba.



Facebook social plugin



Zapadni Balkan i njegovo približavanje Europskoj uniji, kao i simpatije koje Bosna i Hercegovina gaji prema Turskoj, neke su od tema kojima se bavi dnevni tisak sa njemačkog govornog područja, prenosi portal Radija Deutsche Welle.

"Od EU preziran, od investitora izbjegavan – Zapadnom Balkanu nedostaje perspektiva - piše, pored ostalog, Thomas Fuster u listu „Neue Zürcher Zeitung“ (NZZ).

- Zapadni Balkan je notorno nestabilno područje. Mnogi se nadaju stabilnosti i blagostanju članstvom u EU – prema uzoru na srednje-istočnu Europu. Ipak, čini se da je takva perspektiva neizvjesna - piše NZZ.

Na summitu održanom u Solunu u lipnju 2013. godine je pored ostalog navedeno da je "budućnost balkanskih država u EU". Danas se smatra da je takvo obećanje samo prazna fraza. EU je od izbijanja finansijske krize zauzeta sama sobom. Malo je inicijative za integracijom novih članica. Jednim dijelom i zbog toga što balkanske zemlje, privredno posmatrano, nisu dovoljno atraktivne.

Kako navodi NZZ, to što je strukturalno slaba država, Hrvatska, primljena u EU i iskustva sa vladavinom prava u Rumuniji i Bugarskoj, sve su drugo nego pozitivne stvari zbog kojih se u Bruxellesu skoro nitko više ne zalaže za Balkan.

Godišnji izvještaji o napretku zemalja kandidata su se pretvorili u izvještaje o stagnaciji što odgovara vladama u Njemačkoj, Francuskoj, Austriji i nekim drugim zemljama.

Jer, zalaganjem za integraciju regije, koji se često doživljava kao europski prljavi čošak, u "staroj" Europi se ne dobijaju glasovi birača. Takvo uskraćivanje ljubavi na Zapadnom Balkanu ne ostaje neprimijećeno.

Ipak, EU u regionu i dalje zrači pozitivnom energijom i članstvo je jedan od malog broja ciljeva koji žele postići sve stranke. Doduše, treba se osvrnuti na Tursku u kojoj se pristupni proces davno pretvorio u farsu, tako da blijedi uvjerenje da je ona dobrodošla u Bruxellesu.

"Dok budemo primljeni u EU, Unija neće ni postojati", često se čuje u regiji.

Proširenje Bruxelles voli predstavljati kao tehnički proces sa jasno definiranim kriterijima. Činjenica je da su prepreke daleko veće od onih koje su bile postavljene zemljama srednje-istočne Europe koje su 2004. godine postale članice EU.

BiH jača veze sa Turskom. U Srbiji na značaju ne dobijaju samo investitori iz Rusije, nego i šeići iz Ujedinjenih Arapskih Emirata, partneri koji ne postavljaju neugodna pitanja o vladavini prava i demokratije. U Bruxellesu se to nerado posmatra. Međutim, to je cijena koja se mora platiti za nedovoljnu zainteresiranost za vlastito predvorje - piše ovaj list.

"Nigdje u Europi Turska nije tako omiljena kao što je u Bosni i Hercegovini. Šta iz toga proizilazi?", pita se Michael Martens u tekstu kojeg je objavio list „Frakfurter Allgemeine Zeitung“.

"Mnogo je govora turskog predsjednika Abdullaha Güla, premijera Recepa Tayyipa Erdogana i ministra vjaskih poslova Ahmeta Davutoglua u kojim pominju Bosnu i Hercegovinu, Sarajevo ili na turskom čarobno ime Saraybosna", piše Martens i navodi neke od primjera.

Kada je Erdogan pobijedio na parlamentarnim izborima 2011. godine, prvo je pozdravio "braću i prijatelje" u glavnom

gradu BiH.

"Sarajevo je danas dobilo ono što i Istanbul", istakao je Erdogan koji je godinu dana ranije, prilikom posjete Sarajevu, rekao "beznačajno je da li imamo zajedničku granicu ili ne. Osjećam da je ta zemlja naš prvi susjed, i zbog naše povijesne odgovornosti, Bosnu nećemo nikada ostaviti na cjedilu".

Martens dalje podsjeća da u Ankari, Istanbulu i Izmiru ulice, džamije ili parkovi nose ime Alija Izetbegović. Isto tako u Sarajevu jedan park nosi ime Recep Tayyip Erdogan.

On u tekstu navodi i povijesnu vezu koja potiče još iz Osmanlijskog carstva, na 6.878 turskih riječi u bosanskom jeziku, ali i prenosi navode iz studije koju je uradio društveno-istraživački institut „Populari“ iz Sarajeva:

"Nitko nije sačuvao osmanlijsku kulturu kao što je učinila BiH. Pa ni Turci sami", dodaje.

Martens navodi da se uspjesi turskih sportaša slave u Sarajevu i da bošnjački političari u Sarajevu blizinu sa Turskom uzimaju kao povod da svoje europske partnere u razgovorima upozore: "Ako ne primite BiH, onda će se ona orjentirati u pravcu Turske".

Turska u Bosni pomaže u sanaciji mostova, medresa, džamija. Također daje stipendije studentima. Međutim, privredno Turska u BiH nema važnu ulogu. Najvažniji trgovinski partner BiH je Hrvatska. Trgovinska razmjena ove dvije zemlje je prošle godine iznosila skoro dvije milijarde eura.





Nakon Hrvatske slijede druge balkanske zemlje, dok je Turska na devetom mjestu. Slično je i sa investicijama. Poduzetnici iz Austrije su između 1994. i 2012. godine u BiH uložili više od 1,3 milijarde eura.

U istom vremenskom razdoblju turski investitori jedva da su u Bosnu uložili 150 milijuna eura. Na osnovu toga je Turska, statistički gledano po ulaganju u BiH, između Nizozemske i Luksemburga.

I ono gdje se ulaže je u mjestima koja su uglavnom naseljena Bošnjacima. Turska „Ziraat Bank“ u BiH ima 25 filijala od kojih je samo jedna u Republici Srpskoj.

Međutim, tamo su aktivni ruski investitori. Srpski član Predsjedništva BiH Nebojša Radmanović s tim u vezi kaže: "Bošnjaci vole Turke, Srbi vole Ruse".

Bolje rečeno: što je jednim Erdogan, drugima je Putin. Novac dolazi iz drugih izvora. Bosanski političari znaju zašto svoju zemlju žele odvesti u EU - piše Martens u listu „Frankfurter Allgemeine Zeitung“.



> **STATISTIKA**

Posjete Sadržajima : 4052650

TV **PROGRAM**

| | | | | |
|------|------|---------|------|---------|
| HTV1 | HTV2 | NOVA TV | RTL | PINK BH |
| TV1 | MTV | SK1 | VH-1 | |

12:31 [Znaj da te volim](#), telenovela

13:17 [Roditelji i djeca](#)

14:01 [Skica za portret: Antun Motika - eksperimenti](#)

14:22 [Vijesti iz kulture](#)

14:30 [Vijesti uz hrvatski znakovni jezik](#)

Komentari

#1 **Nena** 2014-07-25 10:37

Regija "prijava cose" Evrope ?!Evropa,EU prolazi kroz balkanizaciju,bedu,nezaposlenost,imigraciju,Turska je bitna Evropi zbog NATO i drzi je na tankom ledu,a Bosnjaci zele da naprave islamsku demokratiju po uzoru na Tursku u BiH,Turci nisu vezani za Bosnjake koliko Bosnjaci zele,demagogija

0

Citat

Osvježi listu komentara
RSS kanal za komentare na ovaj post

Dodaj komentar

Vaši komentari veoma su važni jer želimo izgraditi zajednicu u kojoj ćete pridonijeti komunikaciji i izgradnji međusobnog razumijevanja. Nećemo tolerirati uvredljive, neprimjerene, bezobrazne, prijeteće ili na drugi način neprimjerene komentare pod krinkom slobode izražavanja. Također nećemo tolerirati govor mržnje, rasno ni političko vrijeđanje te vrijeđanje na drugima osnovama. Kad budemo smatrali potrebnim, uklonit ćemo takve komentare.

Ime (obavezno)

E-mail (obavezno)

1000 simbol lijevo



Osvježi

Pošalji

JComments